





21

Oratio funebris  
DE  
**ILLVSTRISSIMO**  
**PRINCIPE AC DOMINO,**  
**D N. AVGVSTO, DVCE**  
**ac Electore Saxoniæ, &c.**



HABITA IN EXAMINE  
ALVMNORVM LVDI PROVINCIALIS  
ad Muldam, XIIII. Martij,

A  
Iacobo Furmano R.

ANNO M. D. LXXXVI.

Oriente Triumphi  
DE  
ILLUSTRISSIMO  
PRINCIPIE AC DOMINO  
DNI AUGUSTO, DUCI  
CELESTISQVE SORORI



ЭИМАХИАТЕАН  
Санкт-Петербургъ  
КИРИЛЛ  
Макаровъ

Ясоподионъ

Annos M. D. LXXXVII

159

ILLVSTRISSIMO, PO-  
TENTISSIMO QVE PRINCIPI  
AC DOMINO, DOMINO CHRISTIANO,  
Electoris Saxoniæ, &c. Domino suo  
clementissimo.

**D**ux AVGVSTI ADE, patriæ spes altera terræ,  
Inclita Saxonice fama decusq; domus:  
Aggredere ô felix nunc Electoris honores,  
Et cape, quæ summus regna dat ipse D E V S.  
Te patris AVGVSTI celebris super æthera virtus  
Excitat, & proauum nomina magna ducum.  
Sit tibi pax curæ, fuge bella, fuge horrida bella,  
Quæ damnum terris exitiumq; ferunt.  
In primis sed ama C H R I S T U M , de nomine cuius  
Nomen habes, Princeps ô generose, tuum.  
Et quando vacat, hunc inter molimina rerum,  
Quæ te magna tenent, respice quæso gregem.  
Et tutare scholam, quæ te iam pendet ab uno,  
Auxiliumq; tuum supplice voce rogat.  
Tu sis præsidium doctæ & tutela Mineruæ:  
Ne nos desertos ne tua dextra sinat.  
Sic te Christus amet, proq; hoc temunere summa,  
Dux AVGVSTI ADE, prosperitate beet.

Illustriss. Celsitudinis  
Tux subiectiss.

Jacobus Furmanus  
**R.**

A 2 O R A-

# 170 ORATIO.



ONSTITUTVM EST  
de scholæ huius consuetudine, vt  
statis anni temporibus examina  
duo instituantur, in quibus disci-  
pulorum in literis profectus per-  
spiciantur, & qui se se diligentia  
probent, ad ordines superiores  
traducantur. Quæ quidem exer-  
citatio quantum commodi discentibus afferat, præ-  
sentis quidem instituti non est, vt à me multis comme-  
moretur. Quare volens narratione ista supersedeo.  
Hoc quidem omnino constat, vt totius rei summam  
paucissimis cōprehendam, ad discipulos redire emo-  
lumentum, ad præceptores vero molestias, quas ipsis  
gignit non paucorum, leuiter studia attingentium,  
socordia atq; desidia: quæ deuorandæ tamen nobis  
sunt, modò vestris studijs consulatur. Ante vero, quam  
ad probationem ipsam & censuram accedamus, vi-  
sum nobis fuit ab oratione, breui illa quidem & te-  
nui, sed huic tamen & tempori & loco, vt opinor,  
conueniente, initium facere. Dicendi enim materi-  
em suppeditare nobis videtur hodiernus dies, quo  
Illustriss. Princeps ac Dominus, Dn. AVGVSTVS,  
Dux Saxoniæ, & CR. Imper. Septemuir, Fribergam  
ad sepulturam deportatur. Cuius morte cùm nemo  
bonus non afficiatur, & in luctu iaceat, nos quoque  
decet alumnos ipsius, vt & ipsi, doloris indicium e-  
dendo, mœrorem nostrum declaremus, & sanctis ma-  
nibus, si non pro dignitate, at pro parte nostra tenui,  
& in-

- A Z O

- A

171

& ingenij mediocritate, iusta faciamus. Postulant enim hoc qualemque officium nostrum defuncti Principis erga nos merita, ut grata recordatione memoriam illius prosequamur. Offeruntur autem hic multa sanè, quæ & de antiquissima Saxoniæ ducum origine, & de ingenij corporisq; eximijs dotibus, & de virtutibus Electoris nostri excellentissimis non incommode recenseri fortasse possent. Verum, cum latissimè ea pateant, & intelligentiam meam tantarum rerum explicatio superet, eloquentiamq; non vulgarem requirat, hæc relinquo. Talis enim ac tantus Princeps extitit Augustus, ut orationis meæ paupertate ne minimam quidem partem laudum ipsius consequi possim. Quare omissis illis difficilioribus, captumq; meum excedentibus, summa sequar fastigia rerum, & dicam tantum de beneficijs, & meritis quibusdam præcipuis, quibus patriam, Ecclesiam, scholasq;, & in primis hanc prouincialem Grimensem cumulauit, & suam erga omnes subditos charitatem probauit. Neq; hic tamen exquisitè omnia persequar, sed ea tantum exponam, quæ ante oculos sunt, & scire vniuersos decet: idq; eò faciam, ut nostram, quemadmodum modò dictum est, erga optimum Principem pietatem ostendamus, & ad communem luctum, nec non preces nosmet ipsi excitemus. Qua de re breuiter pronunciantem ut benignè me audiatis, à vobis, Collegæ obseruandi, officiosè peto: spero item, discipulos aures mihi beneuolas, & attentas præbituros esse.

Ex hac vita mortali Calendis Octobribus anni superioris decessit inclita heroina Anna, regia stirpe nata, Illustriss. Electoris coniunx, cuius exequiae

hoc quidem in oppido, ut noctis, celebratae sunt die,  
postquam defuncta est, octauo. Eius ex morte quan-  
tum doloris luctusque ceperint haec regiones, in re-  
centi adhuc habemus memoria. Verum nulla cala-  
mitas sola, habet tritum sermone proverbum. Nam  
licet vulnus illud aliqua ex parte coaluisse videretur,  
collocata in matrimonium Electori viduo moestissi-  
mo inclyta Principe Agneta Heduuige, Ioachimi Er-  
nesti, generosissimi Principis, Ducis Anhaldini filia:  
tamen nunc recrudescit, propter ipsius Septemviri  
ex hac vita exitum. Itaque dolores refricantur, &  
sollicitudines duplicantur, & ad maiorem moesticiam  
subditi reuocantur. Et certe quidem si ullum unquam  
tempus miserum & calamitosum incidit, hoc iam ma-  
xime luctuosum, summeque miserandum est. Nam  
eiusmodi bonum amissum est, quod nulla unquam  
etas restituet. Quis non doleat, quis non toto pe-  
ctore consternetur, quis sibi a lacrymis temperet?  
Quod si quis hoc casu non tangatur, in utramque aurem  
ociose dormiens, & non magis moueatur, quam si du-  
ra filex, aut stet Marpesia cautes: is omnis humanita-  
tis expers esse, & naturam ferinam maxime attingere  
videtur. Orbati sumus, proh dolor, Principe opti-  
mo, patre patriæ, scholarum, & Ecclesiarum nutri-  
tore. O rerum humanarum fragilitatem, fortunaeque  
varietatem, o mortis saeuiciam & importunitatem,  
quae nulli hominum parcit, & aequo pulsat pede pau-  
perum tabernas, regumque turres, ut canit Horatius:  
atque ut planum & perspicuum nobis fiat, qua-  
leum Principem amiserimus, agite paulo altius amo-  
rem & beneficia illius erga patriam collata conside-  
remus.

temus. Reliquit H E N R I C U S Alberti F. Princeps  
Saxoniae laudatissimus duos præstantissimos filios,  
M A V R I C I U M & A v g v s t v m , alterum belli-  
ca laude, alterum toga clarissimum. Posteaquam ve-  
rò Mauricius heros fortissimus, pro aris, ut dicitur,  
focisq; fortiter dimicans, & à patria manifestam viam  
propulsans, suam in terris vitam clausit, & in beato-  
rum confortium receptus est: A v g v s t o fratri ha-  
rum regionum gubernationem, & Septemuiralem  
sacri Imperij Rom. dignitatem reliquit. Quam qui-  
dem honoris possessionem tūm virtute sua tueri, tūm  
ornare etiam, & augere pro virili A v g v s t v s  
studuit, in eamque cogitationem ac curam totus in-  
cubuit, vt Reipub. status labefactatus & conuulsus  
sanaretur. Ac licet in initio turbulenta ei multa ob-  
ijcerentur, quæ bellum minitabantur, sanguinemq;  
spirabant, tamen autoritate sua, qua valuit plurimū,  
eo rem deduxit, vt omnes seditiones, & discordiæ  
celeriter comprimerentur, & de manibus hostium ar-  
ma delapsa caderent, omniumq; tumultuum reli-  
quiæ sponte extinguerentur. Itaque cuncta ab eo ita  
composita fuere, vt perpetua in pace deinceps viue-  
ret, & sua pacatè possideret, nulla hostium incursio-  
ne vexatus. Quòd certè in summa felicitate ponen-  
dum est. Quid enim in hac vita iucundius, quid opta-  
tius, quid generi humano salutarius accidere potest,  
quàm pax, quàm concordia, quàm ocium? Pax  
optima rerum, quas homini nouisse datum est, ca-  
nit poëta. Pax cùm geritur, salua sunt, & bene fese  
habent omnia. Nam & pietas colitur, & iusticia ex-  
ercetur, & publicæ res florent, & domesticæ crescunt.  
At verò inter arma leges silent, res & publicæ & pri-  
uatae

natae affliguntur, regiones vastantur, populi cæduntur, vrbes in seruitutem mittuntur, ciues trucidantur, & quasi flammis vruntur & consumuntur omnia. Quainobrem M. Cicero iniquissimam etiam pacem rectè antefert iustissimo bello, quod nunquam, nisi maxima cum aliorum clade, suscipitur. Quanquam autem Princeps noster singulari animi magnitudine ac labore excelleret, ita ut nullis minis moueretur, & ad quosvis labores suscipiendos, periculaque adeunda paratus esset, atque adeò vitam suam saluti communi postponeret: tamen pro ea, qua præditus fuit, moderatione ac prudentia, pacis autor semper extitit, & omnia prius, quam armis, experiri maluit, & non nisi coactus ad bellum profectus est. Nec verò minus clarus & fortis extitit, ac si perpetuò in armis vixisset. Neque enim in bellis modo, sed etiam in Repub. administranda animi excelsi præstantia cernitur. Quapropter libro de officijs primo Cicero domesticas fortitudines, siue res urbaneas militaribus ac bellicis pares esse, adeoque maiores interdum clarioresque fuisse ostendit, quod quidem non tantum subiectis rationibus & argumentis, verùm etiam appositione exemplorum tum Græcorum, tum Romanorum illustrat & confirmat. Quæ doctrina cùm non ita pridem, vt meministis, à nobis explicata sit, non est necesse, vt plura huc accersantur. Vestrum erit, discipuli qui estis, vt ipsi ad Ciceronem recurbatis, & quæ ab eo copiose, & luculentiter eo in loco differuntur repetatis, & in memoriam reuocetis. Quod verò ille de sui seculi præstantissimis viris gloriatur, id de nostro quoque Principe clarissimo rectè prædicari potest, non minorem utilitatem

Reipub-

105

Reipublicæ togatum eum attulisse, quam alium quem-  
uis, qui bella gessit. Quis gubernationem illius om-  
nibus triumphis anteferri posse non videt? ô pacifi-  
cum, felicemque Principem: ô fortunatos subditos.  
Talia olim secula fuerant, regnante Octauio Augusto  
**II.** Romanorum Imperatore, cuius cum administra-  
tione nostri septemuiriri gubernatio magnam similitu-  
dinem habere videtur, propter prosperam rerum om-  
nium successum ac felicitatem, otijq; diurni tran-  
quillitatem. Ut enim ille pacem terris restituit, cum  
antea non solū externis, sed etiam ciuilibus bellis,  
ac dissensionibus intestinis orbis terrarum arderet:  
ita noster Avgvstvs gratam his regionibus quie-  
tem peperit. Verū Imperatore tamen illo longè  
felicior fuit, propter Christi cognitionem, qua ille  
caruit. Nam licet omnium maximum in terris mira-  
culum, Octauio Imperante, acciderit, cum nimirum  
Filius Dei carne nostra indutus, ex virgine nascere-  
tur, & quidem, vt de æterni Dei voluntate, & Pro-  
phetarum vaticinatione, nullibi nisi Bethlehemæ na-  
ceretur, in causa fuerit tributi iniqua exactio & so-  
lutio: tamen inscius ille tutum cœli terræque regi  
domicilium præstítit, & creatorem ac Dominum  
suum non agnouit. Sed quoniam, vt diximus, pa-  
cis studiosissimus fuit Avgvstvs Princeps, libet  
subiçere Adami Siberi Epigramma, quo pacis amo-  
rem & studium in eo maximè celebrat. Quod quia  
Iohanni Stigelio, viro & Poëtæ optimo adeo pla-  
cuisse accepimus, vt honorificam illius mentionem  
crebrò fecerit, ea in spe sumus, fore, vti, cum Si-  
beri nomen meritò nobis omnibus gratissimum adeo-  
que sanctissimum esse debeat, carmen illud quoque

B

non

non ingratum sit futurum. Id autem ita sese habet:  
Pacis amans Deus est, pacis veneremur amantem,  
Ut nostros læta pace serenet agros.  
Bella diu vigere nimis: nunc impia duri  
Inquinat annosus militis arma situs.  
Tu quoq; Dux imitare tuos AVGVSTE parentes,  
Quos leuat ætherco candida fama polo:  
Flebile Martis opus, crudeliq; arma perosus,  
Quod facis, augustæ sit tibi pacis amor.  
Astyagis cadit ense nepos: vastator Olynthi  
Ipse domus in se concitat arma sue:  
Augusto Aemathius iuuenis, qui limite mundi  
Aestuat, insidijs tetra venena bibit.  
Pax quibus est cordi, placide moriuntur: at arma  
Quos violenta iuuant, mors violenta rapit.  
Neq; verò tantum Elector in eo laborauit, vt inter  
homines iusticiæ locus esset, & in pace vitam agerent  
subditi, & quam maximè ciuitates florerent: Sed ma-  
xima ei, & quidem potissima cura fuit, vt æternæ a-  
nimarum salutis ratio haberetur. Quanta hic sese  
ostenderit nobis Dei præpotentis erga nos clemen-  
tia, & charitas, nulla orationis copia exponi potest,  
qui vltimis temporibus Germaniam quoq;, & in pri-  
mis has terras, Euangelij face accensa, è tenebris  
pontificijs in lucem vocauit, & corda Principum Spi-  
ritus sui gratia collustrauit, vt veritatem cœlestem  
agnoscerent. In quorum numero præcipui fuerunt  
Saxoniæ Duces, omni laude dignissimi, Electoris no-  
stri maiores, qui, patefacta pontificum Romanorum  
fraude, ex cæteris ducibus primi incorruptam Euan-  
gelij doctrinam amplexi & tutati sunt. Quis animi  
ipsorum altitudinem, & constantiam non admiretur,

cum,

cum insaniente diabolo , mundo ira excandescente,  
pontificia cohorte terram cœlo miscere conante, &  
omnibus deniq; hostibus tumultuantibus , fortiter in  
vera doctrinæ sacræ sententia perseuerarent, & quam  
de veritate cœlesti deflecterent, vitam pro ea poti-  
us profundere non dubitarent. Quis incitatum ho-  
stium potentissimorum furorem , & rabiem diuinitus  
fractam & sedatam neget ? quis Principes à D E O ipso  
defensos, ac seruatos esse non videt ? Nam absq; eius  
protectione si fuisset , non aliter , atq; oues à lupis fa-  
melicis consumti fuissent: Excitauit autem simul D E -  
v s ad hoc opus viros pietate doctrinaq; præstantes ,  
in quibus antesignanus quasi & dux fuit Martinus  
Lutherus, qui spiritu Dei ductus, intrepide suam con-  
fessionem edidit, & primus obstitit furori pontifi-  
cum , & qua mersi antea eramus , caliginem detexit,  
condonationemq; peccatorum , & vitam sempiter-  
nam adipisci nos docuit, non nostris meritis , non  
pecunia comparatis diplomatis , quas vulgo indul-  
gentias vocarunt , aut alijs eiusdem generis ineptijs,  
sed solius Filij Dei obedientia & merito, cuius vnius  
sanguis in ara crucis pro nobis effusus , ab omnibus  
nos peccatis emundat , vt loquitur Apostolus. Hæc  
doctrina sacrarum literarum testimonij sinnixa , con-  
solationem leuationemq; assert mentibus animi an-  
gore, & cruciatu conflictantibus. Hæc Lutheri mini-  
sterio nobis restituta , ingratia & inuitis omnibus ad-  
uersarijs , longe lateque propagata est, & ad verum  
Dei cultum multas nationes ac populos conuertit.  
Eadem hac doctrina , & religione per manus quasi  
ab H E I N R I C O patre , & fratre M A V R I C I O P R R.  
C L is tradita & accepta A v g u s t u s imbutus , nihil

prīus, nec antiquius habuit. Quantopere enim pro ea sollicitus fuerit quantasq; curas gesserit, in propatulo est. Nam non solum toto pectore eam amplexus est ipse, & morum sanctitate expressit, sed in dictione etiam sua sincerè ipsam doceri, & Ecclesijs idoneos doctores præfici voluit, qui rerum diuinarum cognitione instructi, verbum D E I sacrosanctum, sine alsitatis admixtione, populo proponerent, & æternæ salutis autorem solum I E S V M C H R I S T V M monstrarunt. Atque, vt omnia ordine, ac decenter in Christianorum societate de doctrina Apostoli peragerentur, tribus in oppidis senatum Ecclesiasticum constituit, in quem Theologi pariter ac Politici, pietate sapientiaque viri celebres leguntur. His omnium Ecclesiarum inspectio, de doctrina & ceremonijs diuinis iudicium, Pastorum electio & confirmatio, in vitam ac mores ipsorum inquisitio, cognitio de dogmatibus ac hæresibus, Ecclesiasticarum controuersiarum explicatio, & causarum ad matrimonium pertinentium compositio commissa, ac credita est. Constitutum porro est, vt Ecclesiarum antistites in oppidis, quos vulgo Superintendentes nominant, in sua quisque diœcesi, respectum haberent ad eos, qui in vicinis pagis atque oppidulis docent, &, si quid ab his decidi non posset, ad Ephoros perferretur, qui in Consistorio causas disceptationesque exequunt, & explicant. Constitutum denique est, vt certo anni tempore Synodus in vrbe Dresdena, semel quidem vere, & iterum autumno congregaretur, in qua omnia ea, quæ vel in scholis, vel in Ecclesijs controuersa sunt, examinarentur. Quod si prauorum dogmatum autores, ouile I E S V C H R I S T I infestantes, exo-

tes, exoriri animaduertit, tūm verō nullis sumtibus  
pepercit, nihilque intermisit eorum, quæ ad Ecclesiæ  
commoda spectare vifa sunt. Nec quieuit ante, quām  
vt, conuocatis sacrarum literarum interpretibus ac  
consultis, de negocio religionis sermones conser-  
rentur, dogmatum obscuriorum nebulae luce verita-  
tis cœlestis discuterentur, lites scripturæ autoritate  
dirimerentur, obtrectatorum conatibus obuiam ire-  
tur, errores turbulenti ex norma verbi diuini dijudi-  
carentur, cognitique rejicerentur, inque, opinionum  
varietate verum inuestigaretur, & constituta concor-  
dia sine contentionibus viueretur. Itaque principijs  
obstans, ne corruptelæ latius serperent, & dissemi-  
narentur, animosque; simplicium occuparent, omni  
ratione prohibuit. Libet hic commemorare, quæ  
**x i. Cal.** Iunias anni septuagesimi secundi ad Sibe-  
rum nostrum, & cæteros præceptores perscripta sunt.  
Ea tempestate doctrinæ quasi mutatio quædam fieri,  
& Dipnosophistæ pestiferum suum virus primùm  
spargere, & in animos auditorum insinuare coepe-  
runt. Et edita tum sunt noua doctrinæ Christianæ  
elementa, & alia etiam nonnulla scripta cum Augu-  
stana Confessione quibusdam in capitibus pugnan-  
tia. At cùm Sapientissimus Princeps monstri aliquid  
eiusmodi librorum editione ali intelligeret, & me-  
tueret, ne temporis progressu doctrina in Augustana  
Confessione comprehensa, è scholis & templis elimi-  
naretur, & exularet: præceptores huius scholæ illu-  
stris per literas cohortatus est, vt sibi ab eiusmodi  
scriptis cauerent, in quibus perniciosus error de cœ-  
na Domini occultatus delitesceret, & vt non modò  
Philippi Melanthonis, sed etiam sanctissimi viri Mar-

tini Lutheri lucubrationes diligenter legēdo euoluerent, puericiaeque inculcarent, & in primis, ne quem alium quam Lutheri Catechismum vna cum Philippi Examine discipulis ad ediscendum proponerent, nec ullo modo nouos libros de religione suspectos obtrudi sibi paterentur. Quæ paterna Illustrissimi Principis admonitio sæpè nobis repetenda, diligenter custodienda, & pectoribus nostris planè infigenda est. Quid verò dicam de nupera illa beneficentia, qua clementissimè prospexit, vt, si qui vel propter doctrinæ cœlestis confessionem exterminati, & in exilium eiecti essent, vel ætatis ingrauescentis vicio, valetudinisue, quæ senectutem comitatur, imbecillitate impediti, officij sui muneri præesse amplius non possent, victus illis ad vitam suppeteret? Neque hoc tantum, sed decreuit etiam, vt cum ijs, qui docendo alijs inseruiunt, res interim suas plerunq; negligant, & tenuioris afflictiorisque sint fortunæ (nec enim decet, vt ex doctrinæ tractatione quisquam suum commodum quærat, & turpi lucro inhiet) post mortem ipsorum viduis, ac orphanis eleemosyna liberalis ad sustentationem distribueretur. Atque in talium indigentium usum quōtannis quinque millia aureoruin consecrata diuiduntur. O factum, omnium seculorum & gentium memoria dignissimum, quod vel solum immortalem nominis gloriam, & laudem sempiternam Principi comparare posset. O liberalissimum Ducem, qui verissimè ex eorum numero est, quos miseræ & afflictæ Ecclesiæ nutricios futuros esse per Prophetam D e v s promisit. Et certè quidem si facta ipsius animis nostris contemplamur, vt in Reipub. administratione rectè cum Au-

gusto

gusto Cæsare, quemadmodum paulo ante ostensum  
est, comparatur: ita in rerum diuinarum procuratio-  
ne non indignè cum optimis quibusque Israëlitarum  
ducibus, ac regibus Christianis conferri posse vide-  
tur. Atque, ut ex omnibus exemplis, quorum sacræ  
literæ ineminerunt, vnum solummodo proferam, an  
non in plurimis rebus I o s t a m, gentis Iudaicæ re-  
gem, imitatus est, quo post Dauidem prouincia illa  
nec meliorem, nec sanctiorem gubernatorem habuit.  
Is enim, quod diuini numinis obseruans, & idolola-  
triæ, superstitionisque hostis esset acerrimus, sacra  
peregrina abrogauit, templum ab antecessoribus re-  
gibus contaminatum purgauit, aras commentitijs  
numinibus consecratas euertit, pentateuchon ab  
Helcia summo fæcere inter parietinas templi re-  
pertum publicauit, in lege diuina recte erudiri popu-  
lum curauit, ad templi ædificationem necessaria co-  
piose suppeditauit, & neque ad dextram, nec ad si-  
nistram flectendo, Dauidem generis sui Principem  
æmulatus est. Has virtutes si animo & cogitatio-  
ne complectemur, in nostro quoque heroë sanctissimo  
fuisse reperiemus. Quid enim, an non is quo-  
que religionis Christianæ propugnator, ac veritatis  
cœlestis assertor, & gloriæ ac maiestatis I e s v C H R I-  
S T I vindex fuit iustissimus? Sed longiore oratione  
non vtar, in commendando optimi Principis studio,  
quod præsttit maximum maximeque salutare, in tu-  
enda, conseruandaque doctrinæ cœlestis puritate.  
Quid enim verbis opus est, vbi res loquitur ipsa?  
Quod vero de cura illius erga Ecclesiam dictum est,  
idem de scholis intelligendum est, quæ ab Ecclesia  
sciungi nec possunt, nec debent. Atque ut silentio  
iam

iam præteremamus, quibus beneficijs scholas omnes,  
& imprimis Academias ornauerit atque auxerit, agi-  
te oculos & mentem in hunc modo ludum prouin-  
cialem conuertamus, & diligenter cum animis no-  
stris liberalitatis illustrissimæ beneficia perpendamus.  
Vsa est hæc schola præ cæteris duabus illustribus, quæ  
plerunque meliore conditione fuerunt, quam qui-  
dem felicitatem nequaquam tamen ipsis inuideo, sed  
gratulor potius, & ex animo precor, vt perpetuò flo-  
reant, nec vnquam eandem fortunæ aduersitatem  
experiantur: vfa est, inquam, singulari fato, & præ-  
cipua quadam fortuna, eoque miseriarum superiori-  
bus annis redacta erat, vt earum rerum premeretur  
inopia, sine quibus ægrè, vel nullo potius modo  
viuitur. In agris erat vastitas, in granarijs solitudo,  
in cella penaria penuria, & quocunque aspiceres,  
inanitas erat, eoque loco res omnes positæ erant, vt  
de nobis actum esse arbitraremur. Sed nec dum ca-  
lamitatum omnium finis erat. Accessit illud quoque  
malum, vt, rebus in discrimen ita adductis, Adamus  
Siberus, Rector huius ludi incomparabilis, præce-  
ptor, & socer meus perpetuò colendus, cuius ver-  
sus supra recitauimus, cum scholæ vicem ita doleret,  
miseriasque eius deploraret, paulò post ipse nobis  
criperetur, eo quidem tempore, quo operam illius,  
& consilium hæc schola maximè desiderabat. Sed  
quorsum spectat isthæc narratio & querela? Eò scili-  
cèt, vt amplior illustriorque reddatur benignissimi  
erga nos Electoris munificentia. Is enim, cognita no-  
stra indigentia, beneficentiam suam in nos minimè  
clausit, sed laborantes & labantes res subleuauit, &  
ad rei domesticæ instaurationem mille & quingen-  
tos au-

tos aureos largitus est. Hoc beneficium cum tantum  
sit, vt verbis celebrari satis non possit, grata saltem  
mente agnoscam<sup>9</sup>, nec vnquam ex animo nostro elati-  
bi patiamur, & ne munifica illa liberalitas denuò pe-  
reat, (nescio enim quid scholæ adhuc metuam) omni-  
bus precibus à Deo cōtendamus. In eo enim omnes  
neruos contendit Satanas, capitali odio à Deo con-  
ditore, & hominibus Dei metuentibus dissidens, a-  
deoq; obnixe manibus pedibusq; facit omnia, vt  
scholæ dissipentur, lacerentur, euertantur, vastentur  
& spolientur. Quare suos per administratos & vicarios  
calumnijs, conuitijsq; eas deformat, & omnibus in-  
iurijs afficit. Sed nunc, proh dolor, tam liberalis  
Princeps, & patronus summus diem suum obijt, cu-  
ius corpus hodierno die Dresden elatum Friber-  
gam dicitur, vt ibi in patrium monumentum conda-  
tur. O triste spectaculum. Quæ verò orationis copia  
dolorem istum enarrare potest? Ad eius exequias  
cohonestandas conuenerunt multi Germaniæ Princi-  
pes & Comites, vna cum Illustrissimo Principe Chri-  
stiano Avgvsti F. funeri operam dantes: quos se-  
quuntur Optimates & flos nobilitatis, qui omnes  
tam nobile membrum, ab imperio Romano auulfsum,  
acerbissimè dolent. Sed nec proceres tantum veste  
lugubri conspiciuntur, & in mœrore sunt, sed etiam  
omnes omnium ordinum homines in luctu & squalo-  
re iacent, & non tam Principem, quam patrem pa-  
triæ mortuum lamentantur, non ipsius quidem, sed  
nostra causa, qui superstites sumus. Nam ad Electo-  
rem quod attinet, pro certo habemus, ex omnibus  
eum miserijs, grauiissimisq; vitæ laboribus liberatum  
esse, animamq; ipsius corporis vinculis solutam, in

C

beatif-

beatissimam vitam commigrasse , ocioq; iam frui iu-  
cundissimo , & gloriosam expectare resurrectionem ,  
qua iterum corpori copulata , ad vitam immortalem ,  
eamq; bonis , ac gaudijs omnibus circumfluentem ,  
reuocetur . Nec si optio ei detur , redditurum eum ad  
nos esse , etiamsi totius mundi administratio commit-  
tatur . Et quis enim in hanc miseram , & ærumnarum ,  
incommodorumq; plenissimam vitam reuertatur , in  
concilio cœlestium collocatus , bonisq; infinitis cu-  
mulatus ? Quare nihil illi mali contigit , nobis acci-  
dit , & absq; dubio , quæ D e s auertat , impendent  
pericula . Cum enim è medio tolluntur præstantes  
heroës , plerunq; magnarum calamitatum acerbitas  
imminet : id quod tūm alijs multis , tūm ipsius Iosiae  
regis , cuius paulò antè meminimus , exemplo pla-  
num fieri , & demonstrari potest , cuius obitum quæ  
mala secuta sunt , regum Israëlitarum ac Iudæorum  
docet historia . Et quidem iam diu iustissimam D e i  
iram commeriti sumus , propter verbi diuini , quod  
in fastidio iam vbiq; est , contemtionem , & propter  
vitæ nostræ impietatem . Quotus enim quisq; iam  
est , qui voci cœlesti obtemperet , & beneficia D e i  
celebret ? Videmus certè vulgò fieri , vt in omnibus  
sceleribus pleriq; volutati , in diem viuant , noctes  
diesq; helluationibus studeant , luxuria diffluant , no-  
men Dei cum vanitate usurpent , diris atq; execra-  
tionibus se se , & alios deuoueant , opes alienas siti-  
ant , fraudulent , decipient : & quis omnia corruptissi-  
mi huius temporis vicia enumerare potest ? Ex his  
verò malis quid tandem futurum sit , ratiocinando  
colligi fortasse potest . Videntur certè extrema quæ-  
que nos manere . Ut autem ex malis , est poenitentibus

nentibus elabamur, nostrum est, vt à prauitate vitæ  
ad studium pietatis conuersi, naturæ nostræ viciosity-  
tatem agnoscamus, & delicta detestemur, vitam mo-  
resq; corrigamus, pacem Deo irato ex manibus qua-  
si extorqueamus, suppliciterque rogemus, vt, Filij  
sui Seruatoris nostri vnici ergo, nostri misereatur,  
transgressiones, ac peccata nobis condonet, suamq;  
gratiam largiatur, quò in sanctitate vitæ deinceps  
ambulemus. Nam si vnquam precibus opus fuit,  
iam certè maximè orare debemus. Habet enim Ec-  
clesia hostes plurimos, qui Illustrissimi septemuirorum  
morte non modò non afficiuntur, sed sine dubitatio-  
ne lætantur, & certam sibi victoriam ac triumphum,  
eo iam sublato, de nobis promittunt, quorum calli-  
da consilia, machinationes, insidias, technasq; in  
nostram perniciem compositas, mutari, eludi, con-  
fringi, & confundi, à Deo vnico in rebus aduersis  
auxiliatore petamus. Et cernimus quidem his ipsis  
in ærumnis, quibus iam accipimur, Dei optimi bo-  
nitatem, qui Avgsto largitus est filium C H R I-  
S T I A N V M, maturum imperio, consilioq; promptum,  
& tractandæ Reip. gnarum ac scientem, qui ab hinc  
quadriennio in matrimonium duxit inclitam Princi-  
pem Sophiam, illustrissimi Principis Iohannis Ge-  
orgij, Electoris ac Marchionis Brandenburgensis fili-  
am, ex qua duos filios Christianum Augustum, &  
Iohannem Georgium, & unam filiam suscepit, de qui-  
bus superstites filios generosissimos, quos liberos  
Deus pro clementissima sua voluntate quam diutif-  
simè saluos, & incolumes conseruet. De eo vero  
Christiano Principe optima quæq; sibi haec regiones  
pollicentur. Nam & à natura bene informatus, & ita

in prima ætate institutus est, vt omnia summa ab eo  
expectari debeant. Quid? quod iam diu patrijs ve-  
stigijs ingressus, suam in negotiorum difficilimorum  
explicatione dexteritatem, atq; ingenij acumen pro-  
bavit. Huic Christiano Electoris dignitatem patria  
gratulatur: hunc subditi Dominum agnoscunt, & li-  
bentissimi animis sese imperio illius subiiciunt: huic  
salutem in columitatemq; suam pijs precibus Eccle-  
sia & scholæ commendant: huic noster etiam cœtus  
sese in clientelam dicat. Quare in ipsa etiam doloris  
acerbitate adhuc habemus, quod gaudemus, in-  
tuentes generosissimum Principem CHRISTIANVM,  
regni successorem, & paternæ virtutis ac gloriæ hæ-  
redem, factorumq; illius imitatorem: ex cuius vita  
tantum solatij capimus, quantum ex obitu patris  
allatum nobis doloris est. Hac consolatione reficia-  
mur ac recreemur, æternamq; simul de mortui Prin-  
cipis Augusti, præclarissime de his terris meriti, me-  
moriā conferuemus, & veteres Germanos imite-  
mur, qui, vt Cornelius Tacitus in libello de ipsorum  
moribus scribit, lamenta & lacrymas citò, dolorem  
ac tristiciam tardè ponunt. Fæminis lugere honestum  
est, viris meminisse. Hortor verò vos, Discipuli, vt,  
quorum ea est facultas, in Principis clementissimi  
nutricij nostri obitum, versus aliquot grati animi me-  
moriæ ergò conficiatis, quod officij antea mortuæ  
illustrißimæ Heroinæ D. Annæ, coniugi ipsius non-  
nulli vestrum præstitistis. Nos inter occupationes,  
pro re nata, epitaphium conscripsimus, quod reci-  
tabimus.

Memo-

MEMORIAE ILLVSTRISSIMI  
PRINCIPIS AVGVSTI, DVCIS SAXO-  
NIÆ, & CR. IMP. VII viri, PP.

Augustus iacet hic, oculus Germanidos ora,  
Gloria septem inter famag summa viros.  
Teutona quem raptum deplorat funere tellus,  
Et patriæ luget Misnias orba patrem.  
Flet pietas, mæretq fides, & veste nigella  
Principis ad tumultum pax sedet alma sui.  
Occidit heu Princeps sanctissimus: ô mala fata,  
Quæ tantum nobis eripuere ducem.

Sed hic finis nostræ orationis esto.

TE VERO SEMPER TERNE DEVS, PATER  
Domini ac Seruatoris nostri Iesu Christi toto pe-  
ctore precamur, ne offensus peccatis nostris, pro eo  
ac meriti sumus, nobiscum agas, sed in iustissima ira  
tua interminatae clementiæ memor sis. Conserua no-  
bis verbum tuum, & mysteria sacrosancta, & à cor-  
ruptelis nos custodi. In primis Spiritu tuo sancto cor,  
& mentem Illustrissimi Principis Christiani, Electoris  
noui, rege & gubernna, vt ea ante omnia spectet, quæ  
ad nominis tui sanctissimi gloriam, & Reip. Christia-  
næ incrementum, & utilitatem faciant. Da pacem  
terris, vt quietam, & tranquillam sub eo vitam aga-  
mus, cum omni pietate, & grauitate. Bella vero,  
tumultus, seditiones, & alia, quæ impendent, in-  
commoda benignè auerte, & consilia eorum, qui ar-  
mis delectantur, impedi. Sed & scholam hanc pro-  
uincialem clementer respice, benedic laboribus no-  
stris, & fac, vt omnes actiones nostræ tibi seruant,

& ita se se quisque in delegato sibi officio gerat , vt  
inculpatus reperiatur , & fidem, ac bonam conscienciam ad Deum retineat : & tandem , exacto huius vi-  
tæ curriculo , ab beatissimam regni tui lucem creden-  
tes transfer , idque facias per & propter Filium tuum  
**I E S V M C H R I S T V M** , Dominum & Redemptorem  
nostrum unicum, cui tecum, & cum Spiritu San-  
cto laus sit , maiestas ac gloria in omnem  
seculorum perennitatem,

A M E N.

D I X I.



LIPSIAE,  
IMPRIMEBAT IOHANNES  
STEINMANN.

---

Anno M. D. LXXXVI.

Dieser Band wurde 1997 durch Bestrahlung sterilisiert. Verfärbungen stellen keine Gefahr dar.

Datum der Entleihung bitte hier einstempeln

Digitalisiert:

Misc. 1 PPN 284943800

misc.2      4      284946362

11 3 4 284951498

**SLUB DRESDEN**



3 1714485

Hist. Sect. C. 703

H. Yax. C. 703.

